

de Revigney a Bar, de Bar a Gondrecourt¹, de Gondrecourt a Bourmont¹, de Bourmont a La Marche, de La Marche a Conflans, de Conflans a Foucheruelles, de Foucheruelles a Remeyremont, de Remiremont a Partux de Lestaie², dou Partuix de Lestaie au Beffroit, dou Beffroy a Haultefeste³, de Haultefeste a Bylsteim enici com li montaigne portet yawe devers Romman pays, de Bylsteim drois sus la riviere Bruxienne, et Bruxienne tout contrevall la dite riviere jusques a Xirmek, de Xirmek a Hauzelo, de Hauzelo a Daubourch, de Daubourch a Lucembourch Lavesque, de Lucembourch Lavesque a Gerolzeck, de Gerolzeck a Saint Jehan labbaye de nonnains, de Saint Jehan a Nuefuilleir, de Nuefuilleir a Bouswilre, de Bouswilre a Richenzhoffeim, de Richenzhoffeim a Gerlingstorf, de Gerlingstorf airrier a Saverne dessus dite.

(2) Et est a savoir, que nous li signors et bonnes villes dessus nommeis dedens le pourpris et lez termes des dites trues des pays dessus escriptes et deviseies devons deffendre toutes proies, tous feus, tous prisons, toutes forces et toutes roberies par terres et par yawes, que avenir pouroient a tous ceaulx, qui seroient des dites communes trues, et a tous merchans, toutes bonnes gens, quelz quil soient, prestes, clers, laies gens, religieux ou seculers, cristiens ou Juys, qui sens maluaise soupessions yroient, chevaucheroient ou bachauteroient on pourpris des dites communes trues. (3) Nous devons auçi gardeir toutes abbayes de forces, celles que seroient aipartenans a nous ou qui seroient nos bourgeois ou de lour gardes, tant avant com nous pourons, que aucuns ne se prignent a eaulz ne ne lour faicent force contre droit, sauf les droitures que nous signours et bonnes villes dessus dites y avons. (4) Aucuns ne doit dedens le pourpris de ces communes trues metre main a aultres, ne aultre arresteir par justice au sens justice, fors que son droit debteur et rendeur, se cilz ne cest devant a ceu loies ou a ceu consentis par ses lettres ou par autre cognoissance, la queile on doit raisonnablement oyr et savoir, ou pour cences, rantes ou debtes, pour les queiles on puet bien painir et waigier sur ceaulz qu[i] doveront, sur lour pleges, sur lour hommes panissaubles et sur lour autres biens par tout, ou quil fussent, enci com om ait fait communement jusques ai[n]ci sens maul

1) Gondrecourt und Bourmont seit 1162 deutsche Lehen der Grafen von Champagne. Siehe Spruner-Menke, Handatlas Karte 52. 2) Habe ich nicht auffinden können. 3) Es ist mir doch fraglich, ob wirklich Hohenack gemeint ist.